

Қайырымдылық және әлеуметтік жобалар

Біз қайырымдылық жобалар, демеушілік және корпоративтік волонтерлікті насихаттау арқылы еліміздің әлеуметтік дамуына үлес қосамыз.

GRI 203-2 GRI 3-3

Компания әрекет ететін өңірлердегі әлеуметтік қолдау

Қордың қоржындық компаниялары жер қойнауын пайдалануға арналған келісімшарттар аясында әлеуметтік маңызы бар объектілерді, спорт кешендері құрылысын, өңірдің әлеуметтік-экономикалық дамуын және т.б. қаржыландыруды іске асыруда. 2023 жылы Қордың компаниялар Тобы бойынша қаржыландырудың жалпы сомасы 54 млрд теңгеге жетті.

GRI 203-1

Мысалы, «ҚазМұнайГаз» ҰК» АҚ ол әрекет ететін өңірлерді дамытуға және әлеуметтік көмек көрсетуге шамамен 5,6 млрд теңге бөліп берді. Соның ішінде - Маңғыстау, Атырау, Қызылорда және Ақтөбе облыстарының әлеуметтік инфрақұрылымын дамыту. Мысалы, Атырау облысының ауылдық жерлерінде 280 орындық балабақша, және Қызылорда облысында 350 орындық «Оқушылар сарайы» ғимарат-кешені салынды.

2023 жылы «Қазатомөнеркәсіп» ҰАК» АҚ мәдениет үйлерін, балалар және спорт алаңдарын салуды, оқу жабдығын сатып алуды және елді мекендерді абаттандыруды қаржыландыру бойынша жалпы сомасы 2,3 млрд теңгені құрайтын жобаларға бастамашылық етті. Халықтың әлеуметтік тұрғыдан осал топтарына көмір, азық-түлік себеттері, оқу құралдары мен жаңа жылдық сыйлықтар сатып алу арқылы қаржылай көмек көрсетіледі.



Әрекет ететін
өңірлерде әлеуметтік
қолдау

54
млрд
теңге



Бірыңғай оператор – «Samruk-Kazyna Trust» КҚ арқылы қоржындық компаниялармен бірлескен қайырымдылық жобалары

Қайырымдылық
бағдарламасы аясында
46 жоба іске асырылады

7,2
млрд
теңге


Қайырымдылық
жобалармен

524
мың
адам
қамтылды



Жалпы, 2023 жылы 7,2 млрд теңгені құрайтын 46 жоба жүзеге асырылды. Бұл жобалар 524 мың қазақстандықты қамтыды. Олардың ішінде аналар мен балалар – 97 мың адам, ауыл халқы – 87 мың адам, жұмыспен 700 адам қамтылды.

Қайырымдылық бағдарламасының бағыттары



Денсаулық сақтау

Денсаулық сақтау саласында біз Медициналық және оңалту көмегінің қолжетімділігін арттыруға, емдеудің заманауи тәсілдерін пайдалануға, қазақстандықтардың өмір сүру сапасын жақсартуға ерекше назар аударамыз. Оңалту орталықтары желісін құру бастамасы аясында Қор серіктестермен бірлесіп 3 жасқа дейінгі балаларға арналған ерте араласу орталықтарын, аутизмі бар балаларға арналған орталықтарды, 18 жасқа дейінгі балаларға арналған оңалту орталықтарын ашты. Атап айтқанда, 2023 жылы 13 орталық іске қосылды: 7 ерте араласу орталығы, аутизм және басқа да ақыл-ой кемістігі бар балаларға арналған 5 орталық және 1 оңалту орталығы. Бүгінгі таңда біз Қазақстанның барлық өңірлерінде 34 оңалту орталығын аштық.

ОНКОЛОГИЯЛЫҚ АУРУЛАРЫ БАР 500-ДЕН АСТАМ БАЛА ПЕДИАТРИЯ ЖӘНЕ БАЛАЛАР ХИРУРГИЯСЫ ҒЫЛЫМИ ОРТАЛЫҒЫНДА ЗАМАНАУИ ЖАБДЫҚТАРМЕН ЕМДЕЛДІ.

«Балаларға өмір сыйла» жобасы аясында ҚР-да диагнозы емделмейтін 61 балаға шетелдік емдеу ақысы төленді.

Көбінесе шалғай ауылдарда ауруханалар жоқ, тұрғындардың барлығы аудандарға бара алмайды. Біз бірнеше жыл бойы шалғайдағы ауыл тұрғындарына тегін медициналық-құқықтық көмек көрсету бойынша «Медициналық пойыздар» жобасын қолдап келеміз. 2023 жылы 100 мыңға жуық азаматқа көмек көрсетілді. Медициналық пойыз ҚР барлық облыстарында 121 шалғай станция бойынша жүрді. Бұл ретте 2023 жылға дейін пойыз құрамында дәрігерлер ғана болды, сол жылы медиаторлар мен заңгерлер қосылды. Медициналық бригадалар тек диагностикалық рәсімдерді ғана емес, сонымен қатар шағын амбулаториялық операцияларды да жасайтын 35 маманнан тұрады. Бұл терапевтер, хирургтар, жалпы тәжірибелік дәрігерлер, невропатологтар, ультрадыбыстық диагностика дәрігерлері, акушерлер, зертханашылар, мейірбикелер, рентгенологтар, сәулемен диагностикалау дәрігерлері, тіс дәрігерлері, отоларингологтар, психологтар, көз дәрігерлері, гинекологтар және урологтар. Медициналық пойыздың жүру кестесі шалғайдағы станцияларда медициналық пункттердің жоқтығының ескерілуімен және азаматтар мен мемлекеттік органдардың жүгінулері негізінде жасалған. Медициналық пойыз әр станцияда 1-2 күн тұрды. Азаматтардың құқықтарын қорғау бойынша тегін кеңестер мемлекеттік әлеуметтік қолдауды, зейнетақыны, жәрдемақыны, әлеуметтік жәрдемақы мен атаулы әлеуметтік көмекті алуды қамтыған.

23 елді мекенде 1100-ден астам ерекше балалар қатысатын тегін бейімделген спорт секциялары ашылды.

Білім

Білім беру саласында біз сапалы білім алу, адами әлеуетті дамыту үшін тең жағдайлар мен мүмкіндіктер жасау бойынша жұмыс істейміз.

АЛМАТЫ ОБЛЫСЫНДА ӘЛЕУМЕТТІК ОСАЛ САНАТТАҒЫ 500 ОҚУШЫ ҮШІН ТЕГІН СЫНЫПТАН ТЫС САБАҚТАР ҰЙЫМДАСТЫРЫЛДЫ.

Біз қолдайтын «Туған елге саяхат», «All ability camp», «Шекарасыз жаз» жобалары аясында 1000-нан астам балалар мен олардың ата-аналары үшін жазғы танымдық және спорттық-инклюзивті лагерьлер ұйымдастырылды.

Сондай-ақ, экологиялық-ағарту жобасы аясында ШҚО-да өскелең ұрпақтың экологиялық мәдениетін тәрбиелеу және экологиялық сананың жаңа түрін қалыптастыру үшін облыстық кітапхана базасында қаланың ауасын, суын және топырағын зерттеуге арналған жабдықтармен және жиынтықпен жабдықталған эко-зертхана құрылды. Жас экологтар құс ұялары мен құсқа жем салатын астауларының түпнұсқа үлгілерін, өсімдіктерді суаруға арналған құрылғыларды және эко кәдесыйларды жобалау және басып шығару үшін 3D-принтермен жұмыс істеуді үйренеді.



Спорт пен мәдениет

Біздің спорт саласындағы әлеуметтік жобалар арқасында өңірлерде заманауи спорттық инфрақұрылым пайда болып жатыр. 2023 жылы Қостанай, Қызылорда және Солтүстік Қазақстан облыстарында 3 ірі спорт кешені салынды.

ҚОРДЫҢ ҚОЛДАУЫМЕН БАРЛЫҒЫ ОСЫНДАЙ 11 КЕШЕН АШЫЛЫП, 26 ЖАҢА СПОРТТЫҚ-ОЙЫН АЛАҢДАРЫ ОРНАТЫЛДЫ.

Шығармашылық орталық функционалдығы мен тақырыбы бойынша түрлі аймақтардың кең ауқымын ұсынады: контент жасауға, фото және бейне түсіруге арналған студия, музыкалық студия, коворкинг, музыкалық қонақбөлме, көп функциялы іс-шаралар алаңы, ивент-кеңістік, қалалық қоғамдастықтарға арналған комьюнити спейс, тақырыптық кітап залдары, ТІКТОК аймақтары, суретшілер, дизайнерлер және сәулетшілерге арналған шеберханалар, кешкі көрсетілімдерге арналған кино экраны бар көше рекреациялық аймағы, сондай-ақ көшедегі әрекеттері бар жазғы арт-резиденция және т.б.



Халықтың әлеуметтік тұрғыдан осал топтарын қолдау

«Мектепке жол» республикалық қайырымдылық жобасы аясында 15 мың бірінші сынып оқушысына көмек көрсетілді. Әлеуметтік көмекті үлестірген кезде мұқтаж ауыл тұрғындарына басымдық берілді. Сыйлықтарды жеткізу мен ұсынуды Қор Тобының волонтерлері мен жұмыскерлері жүзеге асырады. Он облыстың бірінші сынып оқушылары оқу орнының табалдырығын аттау үшін Қор атынан берілген алғашқы мектеп арқақоржындарымен және барлық қажетті оқу құралдарымен қамтамасыз етілді.

Астана қаласының, Атырау, Ақмола, Ақтөбе және Павлодар облыстарының 15 арнайы мектеп-интернаттарында баскетбол, футбол, волейболға арналған доптар, сондай-ақ гимнастикаға арналған құрал-жабдықтар, төсеніштер, белтемірі бар швед қабырғасы, үстел теннисіне арналған үстел және басқа да құрал-жабдықтар сатып алынды. Жобаның арқасында ерекше білім беру қажеттіліктері бар халықтың осал топтарынан 2 мыңнан астам бала, жетім және ата-анасының қамқорлығынсыз қалған балалар, сөйлеу, есту қабілеті бұзылған және психикалық дамуы тежелген балалар, бала кезінен мүгедектер түрлі спорт түрлерімен толыққанды айналыса алады.

Астанада Отбасылық аула клубтарының жұмысы реттелген. Жоба арқылы халықтың әлеуметтік осал топтарының балалары ағылшын тілін үйреніп, робототехника, музыка және шахматпен айналысады. Астананың спорттық және шығармашылық үйірмелерінде 3500 бала шұғылданады. Сонымен қатар, аталған аула клубтарында психолог мамандар өмірлік қиын жағдайға тап болған ата-аналарға көмек көрсетеді.



Корпоративтік волонтерлік

ҚОРДЫҢ КОМПАНИЯЛАР ТОБЫНДА SK VOLUNTEER ЕРІКТІЛЕР ЛИГАСЫ ЖҰМЫС ІСТЕЙДІ, ОЛ КОМПАНИЯЛАР ТОБЫНЫҢ БАРЛЫҚ ЖАНАШЫР ЖҰМЫСКЕРЛЕРІН БІРІКТІРЕДІ.

Волонтерлік төрт бағыт бойынша жүзеге асырылады: Qatqor - мұқтаждарға қамқорлық, Umit – қоғамдық волонтерлік, Asyl mura – Қазақстан тарихын сақтауға жәрдемдесу, Taza Kazakhstan – табиғатты сақтауға үлес.

Қордың қоржындық компанияларының өкілдері өзендердің жағалауларын қоқыстардан тазарту бойынша экологиялық акцияларды үнемі өткізеді. Жаңа жылда Қор жұмыскерлері мен еріктілер көп балалы, жағдайы төмен отбасылардың балаларына сыйлықтар береді. «Донор күні» акциясы өткізіледі, оған жыл сайын Қор компаниялары тобының жұмыскерлері қатысады. Ардагерлерге атаулы көмек көрсетуге бағытталған «Жеңіс» қайырымдылық жобасы аясында еріктілер Ұлы Отан соғысының ардагерлеріне, тыл еңбеккерлеріне үнемі келіп тұрады. Оларға азық-түлік себеттері мен дәрі-дәрмектер әкелінеді, сонымен қатар үйлердегі шаруашылық жұмыстарына көмектеседі.

Біз төтенше жағдайларға да жауап қайтаруға тырысамыз. Мәселен, 2023 жылы Қор Абай облысында өрттен зардап шеккендерге 200 млн теңге жолдады. Бұл қаражат эвакуацияланған елді мекендердің тұрғындарына, сондай-ақ өртті сөндіруге қатысқан мамандарға гуманитарлық көмек көрсетуге бағытталған.

